

Tjits Hoitsma-Piersma

Tjitske (Tjits) Hoitsma-Piersma nam op de algemene vergadering van maandag 23 april 2007 afscheid van het bestuur van de Vereniging van Vrienden van het Kaatsmuseum en Documentatiecentrum van de KNKB. Statutair was zij voor een volgende periode niet herkiesbaar. Voor haar ruim vijftien-jarige inzet werd penningmeester Tjits door de heer T. Boomstra, hoofdbestuurslid van de KNKB, het bondsinsigne opgespeld.

In 1991 ging er van de Museum- en Documentatiecommissie van de KNKB een circulaire naar alle fervente kaatsliefhebbers uit, waarin, bij voldoende belangstelling, de oprichting van de Stichting ‘Freonen fan it Keatsmuseum’ werd aangekondigd. Tevens werd een formulier bijgevoegd waarop men zich kon opgeven. Tjits zond dat formulier tijdig, vóór 1 januari 1992, en ingevuld terug. Daarna ging Pieter Breuker van de Museum- en Documentatiecommissie naarstig op zoek naar bestuursleden en vond die in de personen van Marten Gerlofsma (voorzitter), Willem Hiemstra (secretaris) en Tjits Hoitsma-Piersma (penningmeester). Op 15 februari 1993 werd de Vereniging van Vrienden van het Kaatsmuseum en Documentatiecentrum van de KNKB statutair opgericht. Tevens werden toen de bestuursfuncties onderling verdeeld. In *De Keatsfreon* van 1994 werd het eerste financiële verslag van de penningmeester opgenomen, waarbij het saldo ca. f 1100,- bedroeg. Er waren toen ongeveer 60 leden. Meteen dienden zich toen ook de minder

aangename aspecten van het penningmeesterschap aan, namelijk het niet of niet tijdig betalen van het lidmaatschapsgeld. In dit geval betrof het nog maar enkele leden, maar met de aanwas tot 350 leden in 2007 zouden steeds meer vriendelijke ‘aanmanningen’ de deur uitgaan. Hierna werd de lidmaatschapscontributie veelal wel voldaan. De penningmeester kreeg verder nog te maken met de invoering van de acceptgirokaart (1996), de invoering van de euro (2002) en een contributieverhoging (2006).

Vele bestuursvergaderingen werden bij Tjits thuis gehouden, waarbij de verzorging niets te wensen overliet. Ook ontving Tjits elk jaar weer de kascommissie, die ook altijd met open armen werd ontvangen en dan ook nooit onregelmatigheden in de boekhouding wist te ontdekken.

Verder hield zij de ledenlijsten en de mutaties hierin nauwkeurig bij. Het inpakken en verzenden van de bescheiden voor de algemene vergadering kon gerust aan haar worden overgelaten. Andere aardige onderdelen van het penningmeesterschap waren: het kopen van cadeaus en bloemen voor de sprekers op de algemene vergaderingen of bij afscheidsrecepties, zoals van voorzitter Gerlofsma op 9 april 2001, het bezoeken van recepties, het uitkeren van subsidies bij te houden exposities of dergelijke en de ontvangst van sponsorgelden.

In de ruim vijftien jaar dat Tjits Hoitsma-Piersma als penningmeester van ‘De Freonen’ fungeerde, nam het aantal leden dus toe tot ongeveer 350. In de laatste algemene vergadering werd afscheid genomen van een betrokken en gewaardeerde penningmeester. Ook de verstandhouding tussen de bestuursleden onderling was altijd optimaal.


Willem Hiemstra



Tjits Hoitsma-Piersma krijgt zo meteen van HB-lid Tinus Boomstra het Bondsinsigne opgespeld. (Kaatsmuseum, 23 april 2007). Foto Theo Kuipers.

Keatskronyk 2007

It ôfrûne jier sette yn sporthal De Trije te Frjentsjer útein mei in demonstraasje ‘one wall handbal’ troch wrâldkampioen William Polanco. Der wie in protte belangstelling, dy’t it muorrekeatsen grif te’n goede komt.Yn de rin fan it seizoen die bliken dat troch spesifike training, wedstriden en ynternasjonale toernoaien it muorrekeatsen stadichoan begjint te ferskowen fan aardige trainingsfariant nei serieuze wedstriidsport. It wie dan ek gjin tafal dat it keatsjier op www.muurkaatsen.nl einige mei: ‘All the indications are, there will be a huge interest of international One Wall handbal across Europe.’ Yn hoefier’t dit sitaat fan Tom Walsh, de foarsitter fan de Irish Handball Council, realiteitswearde hat, sil de takomst útwize.



4 jannewaris 2007, Sporthal De Trije, Frjentsjer. William Polanco yn aksje. Foto: www.djts.nl.

De takomst hâlde it HB dit jier dochs al knap dwaande. Der waard in definityf beslút nommen oer de opset fan in nije *WIS IN* en der kaam in nije webside. In tal eksperiminten, lykas skean opslaan, frije wikseling fan opslach en oanmerken by de jeugd yn it ferlingde fan it perk, waard op de Algemiene Gearkomste yn desimber sûnder in protte diskusje omset yn definitive spulregels. It wie bysûnder dat in sport dy’t dochs sa steld is op tradysjes, hjir sa maklik ôfskie naam fan in tal elementêre spulregels. Eksperiminten mei in oare bal (gewicht, kleur, grutte), dêr’t âld-bûnstrainer Tsjalling van der Berg yn 2006 noch in goed ûnderboud pleit foar hâlde, kamen yn 2007 net út de ferve. De keatsers hienen der gjin nocht oan en it eksperimint wie gau fan de baan.


Bysûnder op de takomst rjochte wie de ambysje fan it Bûn om it keatsen yn 2018 op de wedstriidaginda fan de Olympyske Spullen te krijen. It levere yn elts gefal in moaie kop op yn de Ljouwerter krante en in glimke by dizze kronykskriuwer. Serieuzer, mar ek driigjender wienen op de Algemiene Gearkomste de takomstlûden fan Tjerk Prins, de ponghâlder fan de KNKB. As der yn 2008 gjin nije (grutte) ynkomsten generearre wurde, foarsjocht er in tekoart fan mear as € 100.000 yn 2009. It ôfskaffen fan de nijjiersresepsje mei in kostepost fan € 3500,- helpt dan safolle as in drip wetter op in gleone stien.

Ek ambisjeus is de doelstelling fan it HB om yn de kommende beliedsperioade (2009-2013) it oantal

leden te ferheegjen fan 15.000 oant 20.000. By in weromrinnende dielname oan ledepartijen, minder besikers oan wedstriden en in grutte konkurrinsje fan oare sporten, sil ek hjir de takomst útwize moatte wat fan dy ambysje de realiteitswearde is. De keatsers, en dan benammen de haadklassers, hâlden har mear dwaande mei de realiteit fan it momint. Sa’n momint wie der yn Boalsert, doe’t foarsitter Ziengs de keatsers ferbea om op it troch de rein trochweakke fjild fierder te spyljen op saneamde ‘fuotbalskuon’ (‘blades’). De spilers wienen it dêr net mei iens, dat de wedstriid waard staakt. Ien en oar late úteinlik foar in achttal keatsers ta in beropskwestje mei in jildboete fan elts € 250,- . Dy boete kinne de keatsers werom fertsjinje troch promosjonele aktiviteiten te dwaan foar de KNKB.

Ek de net-keurde mof fan (opslagger) Johan van der Meulen, mei as straf it útsluten foar fiif wedstriden, late ta heger berop. Johan hie gelok. Troch in net-reglemintêre behanneling fan syn saak troch de strafkommisje gie er frij-út. De ynterpretaasjeferskillen tusken strafkommisje en beropskommisje oer de regels en prosedueres laten ta it opstappen fan de komplette strafkommisje.

Realiteit wie ek it ôfskie fan Jan van der Meij as foarsitter fan de PC. Van der Meij moast der om reden fan sûnens mei ophâlde en waard opfolge troch Minne Dijkstra. Fansels wie eltse keatsleafhawwer nijsgjirrich hoe’t Dijkstra it der fan ôfbringe soe yn syn



PC 1992: foarsitter Ulbe Hannema sprekt Piet Jetse Faber ta by syn ôfskie as haadklasser. Foto: kolleksje Keatsmuseum.

‘maiden speech’ oan it begjin fan de PC-dei. Om in betûft PC-besiker te sitearjen: ‘It koe minder’ en soks is yn Fryslân in positive kwalifikaasje.

Ta beslút noch in inkeld wurd oer it skean opslaan. Hoewol’t it no twa jier tastien is as in nije wize fan opslaan, wurdt dat wapen noch mar troch in inkeling serieus brûkt. Mar dat dy technyk dochs fan belang wêze kin, liet Wilco Rinia sjen op de Aldehou-partij. Syn opslach mei oanrin by de rjochter kweapeal wei resultearre yn in platte strûper op de linkerhân fan de achternse. In prachtige sitbal en in foarbyld foar eltse opslagger yn it kommand seizoen. Miskien komme der mear fan sokke opslaggers. De takomst sil it leare.

Jannewaris

4. De Amerikaan William Polanco, dy’t yn 2003 en 2006 wrâldkampioen wie yn it muorrekeatsen, jout yn sporthal De Trije yn Frjentsjer in demonstraasje. Der wienen sa’n lytse 300 taskôgers by dizze nije leat oan de keatsstam.
5. KF Foarút út Tsjalbert stapt nei 107 jier lidmaatskip út de KNKB.
16. Johannes Brandsma wurdt Bûnscoach ôf foar de ynternasjonale toernoaien.
23. Durk Bonnema nimt nei njoggen jier ôfskie fan de TC by de hearen. Hy wurdt beneamd ta lid fan fertsjinste. Siep Vegter kriget nei seis jier TC by famkes en froulju it Bûnsinsigne. Lute Pen fan Dronryp wurdt oansteld as TC-lid by de froulju.

29. De PC makket bekend dat Jan van der Meij om reden fan sûnens syn funksje as foarsitter dellizze moat. Hy wurdt yntern opfolge troch Minne Dijkstra. Der is noch gjin oar kommisjelid.

Febrewaris

5. Thom van der Sloot fan Ljouwert wurdt technysk koördinator by de KNKB. Hy moat neffens it parseberjocht ‘zorgen voor meer samenhang tussen technische commissie, selectietrainers en wedstrijdzaken.’ Herre Hof fan Frjentsjer wurdt TC-lid by de hearen haadklasse.
14. Omrop Fryslân kriget foar syn radioprogramma ‘PC-kafee’ de NL.AWARD. De sjuery typearre it programma as ‘pure radio’.
16. Pieter Tienstra, eartiids fan St. Anne, mar no wjend yn Winsum (Grinslân), wurdt de nije Bûnscoach foar de ynternasjonale toernoaien.
17. Jan Faber fan Alde Biltstyl wurdt TC-lid by de hearen.

Maart

2. Tetman van der Meulen is 25 jier yn tsjinst fan de KNKB.
6. Feite de Jager, eartiids keatsrom beheljend foar Harns, stjerdt op 91-jierrige leeftiid. Hy wûn yn 1931 de Freule, yn 1935 en 1936 de Jong Nederland, de PC yn 1940 en 1942 en de Bûnswedstriid yn 1946. Hy helle yn totaal 103 punten.
6. De hiele *WIS IN*-redaksje hâldt der mei op. Haadredakteur Jan Braaksma skriuwt op syn webside dat

de KNKB net langer fertrouwen hat yn syn ûnôfhinklikens as behearder fan syn eigen keatswebsites en syn wurk foar de *WIS IN*.

14. Gejanna Buma kriget út hannen fan juwelier Kramer de priis dy’t heart by it winnen fan it jierklassemint fan de froulju. Der wurdt bekend makke dat dit mei yngong fan 2007 in wikselpriis wurdt, dêr’t keunstner Hans Jouta it ûntwerp foar meitsje sil.
26. Gejanna Buma kriget fan de stêd Boalsert de Klaas Kingma-sportpriis foar de bêste sportprestaasje yn de ôfrûne twa jier.

28. Teake Triemstra wurdt huldige as bêste sportman fan It Bilt.

29. De *WIS IN* fan maart ferskynt pas oan de ein fan de moanne. Dat komt om’t der in totaal nije redaksje is. Sijbe Joostema fan Minnertsgea is de nije haadre-dakteur.

31. Gerrit Okkinga wurdt op de Algemiene Gearkomste fan de KNKB beneamd ta lid fan fertsjinste.

April

8. Ald-PC-foarsitter Jan van der Meij kriget in keninklike ûnderskieding. Hy wurdt beneamd ta ridder yn de Orde van Oranje Nassau.
27. Catrinus van der Velde, âld-foarsitter fan KF Wommels, kriget in keninklike ûnderskieding. Hy wurdt lid yn de Orde fan Oranje Nassau.

Maaie

5. De út de Midsieuwen weromkommen Margot van Henegouwen, eartiids in ferneamd keatsster, iepenet



"Margot van Henegouwen" mei har paazje by de earste wedstriid fan de frouljy haadklasse op it Sjûkelân yn Frjentsjer. 5 maaie 2007. Foto: Antje Kuipers.

yn it Keatsmuseum de útstalling ‘Fan Lies Souverein oant Afke Hylkema’.

26. Klassike rel yn Easterlittens oer de gearstalling fan it ôfdielingspartoer. It soarget foar twaspjalt yn it doarp. Keatser Feiko Broersma wurdt troch it eigen bestjoer skorst en bestjoerslid Wabe Roskam leit syn funksje del.

Juny

1. Haadklassekeatsster Sjoke van der Veen fan Dronryp wurdt op it podium fan de pleatslike feesttinte nei foaren roppen. Har freon kriget foar de mikrofoan it wurd en freget har yn it iepenbier om mei him te trouwen. Sjoke doarst fansels net te wegerjen.

3. K.F. Wêz Wis út Raard bestiet 100 jier. It wurdt fierd mei in haadklassepartij (op 18 maaie), in revu, de útjefte fan in jubileumboek en fansels in keatspartij foar leden en âld-leden.

3. Hennie Greuter hâldt nei 20 jier op as masseuse by it frouljuskeatsen. Marie Heida betanket har út namme fan de froulju en set har yn de krânse.

7. Lieuwe Fopma fan Mantgum wint de twadde edysje fan de Boere-PC yn Stiens.

16. De jubileumpartij fan de KNKB hat mei 663 spilers hast 200 dielnimmers minder as fiif jier earder.

Benammen de haadklassekeatsers litte it massaal sitte.

28. It Iepen Frysk Kampioenskip Jeu de Pelote lûkt stadichoan mear besikers. Nettsjinsteande it minne

waar wienen der eltse jûn gemiddeld sa’n 150 oant 200 besikers. Winner waard Berltsum, dat yn de finale Easterlittens de baas wie.

25. Tineke Algra hâldt ynearsten mei keatsen op om’t hja in lytse poppe ferwachtet.

29. ‘De Masters’- haadklassepartij op It Hearrenfean wurdt ôfblaasd fanwegen it strieminne waar. It selde bart twa dagen letter mei de haadklassepartij yn Harns.

July

1. Gejanna Buma berikt mei in twadde priis yn St. Anne de 600-puntegrins. Sy is de twadde keatsster dy’t dat slagget. Har keatsmaat Afke Hylkema hie dat earder al foarinoar krigen.

7. Skiedsrjochter Sipke Hiemstra fan Easterein staakt de haadklassepartij yn Boalsert nei’t acht keatsers net fierder spylje woenen omdat it har troch de feriening ferbean waard om op fuotbalskuon te keatsen. De acht keatsers krigen nei in lange proseduere (earst strafkommisje en letter beropskommisje) fjouwer wedstriden op betingst en in boete fan elts € 250,-.

11. Gosse Blom publisearret in nij keatsboek: *Het kaatsen, een inleiding*.

17. Yn Gulpen (Limburgh) stjerdt op 84-jierrige leeftiid âld-PC-foarsitter dr. Ulbe Hannema. Hy kaam yn 1972 yn it PC-bestjoer en wie fan 1973 oant 1993 foarsitter. Hy hie each foar styl en tradysje by it keatsen. Syn bestjoersperioade waard ek kenmerke troch in fierdere ûntjouwing fan de organisaasje fan de PC.

18. KF De Boer út Stiens binne keatslinen ûntstellen.

Letter docht bliken dat ek KF Eendracht út Harns nei ôfrin fan har haadklassepartij keatslinen kwytrekke is. **21.** It útsluten fan ‘de acht fan Boalsert’ (sjoch 7 july) troch de strafkommisje is foar de Ljouwerter Krante foarsidenijs. **21.** Leendert Schuil makket bekend dat er ophâldt as masseur by de KNKB. De affêre yn Boalsert, wêryn’t Schuil de kant fan de keatsers keas, is foar him oanlieding om der nei de PC mei op te hâlden.

Augustus

2. Johan van der Meulen wurdt troch de strafkommisje útsluten foar fiif wedstriden om’t er keatst hat mei in net-keurde mof en syn sertifikaat net by him hie. Johan giet yn berop en letter wurdt him de opleine straf ‘wegens vormfouten’ kwytskolden.

5. In eksperimint yn Wytmarsum mei kleurde (pears/rôze) keatsballen duorret amper tsien minuten. De keatsers jouwe oan dat se de bal min sjen kinne. Skiedsrjochter Hiemstra hakt de knoop troch en lit fierder keatse mei wite ballen.

Septimber

9. Chris Wassenaar brekt troch de 600-puntegrins yn it ivich klassemint.

16. Op de Aldehou-partij nimt Pieter Scharringa ôfskie mei in earste priis. Ta ferbjustering fan himsels en mear noch de taskôgers wurdt er ek noch ta kening útroppen, wylst syn maat Marten Feenstra dy eare ta kaam. Afke Hylkema kriget as klassemintswinner by de froulju de Johannes de Boer-wandelbal útrikt.

Dy wikselpriis is oanbean troch juwelier Kramer en is neamd nei de heit fan frou Kramer, dy’t mei-oprjochter wie fan de CFK.

21-24. Op in ynternasjonaal toernoai yn België wurdt Johan van der Meulen útroppen ta bêste spiler. De Fryske ploech behellet in twadde plak yn it ‘ynternasjonale spul’.

Oktober

10. Arp Hiemstra fan Ljouwert ferstjerdt yn de leeftiid fan 85 jier. Hiemstra wie in fûleindich keatser, dy’t de PC wûn yn 1950 en 1956 (K). Trije kear wûn er foar LKC de Bûnswedstriid en hy kaam yn totaal ta 362 punten.

13. De haadklassers Chris Wassenaar en Rutmer van der Meer dogge foar in goed doel yn Wier mei oan in wedstriid baltsjeferdriuwen. Hja ‘ferdriuwe’ op it Wierster keatsfjild it baltsje 1553 kear.

25. By de evaluaasje oer it ôfrûne seizoen hâldt de komplette strafkommisje der mei op. De komisje wie it net iens mei it HB oer de ynterpretaasje en tapasing fan regleminten en prosedueres.

27. Ald-PC-lid Bart Schurer komt te ferstjerren yn de leeftiid fan 83 jier. Hy wie yn it PC- bestjoer skriuwer en hie in sit fan 1982 oant 1994. Syn bestjoerlik hichtepunt wie sûnder mear de PC fan 1986. PC-foarsitter Hannema gunde Schurer doe de eare om syn soan Tunno de keningsbal om de hals te hingjen.

Novimber

14. De KNKB makket bekend dat hja besykje wol om

yn 2018 it keatsen op de wedstriidaginda fan de O.S. te krijen.

15. Ds. Hendrik Dijkstra fan Wommels ferstjerdt op 82-jierrige leeftiid. Hy wie in grut leafhawwer fan it keatsen en dat kaam ta utering yn syn ferneamde útspraak fan 1978 dat de keatsbal it moaiste stikje boartersguod wie dat de Heare God ús jûn hat. Dy útspraak wie oars net hielendal orizjineel: by syn ôfskied as PC-foarsitter yn 1973 hie mr. Klaas Bylsma al sein: ‘De keatsbal is it moaiste boartersguod dat ús Friezen krigen ha.’ (sjoch PC-jubileumboek, s. 189) **18.** Foar it earst giet in ôffurdiging fan de KNKB nei in offisjeel ynternasjonaal toernoai yn it muorrekeatsen yn Italië. De manlju komme der net oan te pas tsjin benammen de Amerikanen en de Ieren. Fjirtjin dagen letter set in ploech froulju ôf nei Spanje om it dêr yn it muorrekeatsen op te nimmen tsjin Basken, Amerikanen, Ieren, Italianen en Ingelsen. Ek de froulju waarden in erfaring riker en in yllúzje earder.

25. Yn de leeftiid fan 80 jier ferstjerdt Rinnie Kuiper fan Makkum. Kuiper stoar krekt op deselde dei as twa jier earder syn âlde keatsmaat Hotze Schuil, dêr’t er grutte suksessen mei behelle. Kuiper wûn de PC yn 1953 en 1959. Foar Makkum wûn er de Bûnswedstriid yn 1954. Hy waard 29 kear kening en behelle mei-inoar 358 punten.


Desimber

7. Op de Algemiene Gearkomste fan de KNKB wurdt in tal eksperiminten omset yn definitive spulregels. Der komt ien opslachline, skean opslaan wurdt tastien

by keatsen yn twa perken en de folchoarder fan de opslach wurdt frij litten.

10. Ald-skiedsrjochter Sies Krap wurdt lid fan de strafkommisje en Sytze Keizer wurdt lid fan de TC by de junioaren.

Foar it ta stân kommen fan dit oersjoch is gebrûk makke fan de *WIS IV*, berjochten út de Ljouwerter Krante, publikaasjes op de websiden www.knkb.nl, www.kaatsen.nl, www.muurkaatsen.nl en fan eigen oantekens.



Adnan Harhour út Easterbierrum, winner fan it klassemint by de pupillen jonges. Foto: Jehannes Wolbers.

Klassemintswinners 2007

Hearen haadklasse	Rutmer van der Meer (St. Jabik)
Hearen earsteklas	Marten Hiemstra (Rie)
Hearen junioaren	Hyltje Bosma (Makkum)
Hearen 30+	Age Sikma (Aldstjerk)
Hearen 50 +	Simon de Groot (Mullum)
Dames haadklasse	Afke Hylkema (Akkrum)
Dames earsteklas	Boukje Aalbers (Mantgum)
Jonges	Hans Wassenaar (Tsjummearum)
Famkes	Feikje Bouwhuis (Boalsert)
Skoaljonges	Sjoerd de Jong (St. Anne)
Skoalfamkes	Manon Scheepstra (Frjentsjer)
Pupillen jonges	Adnan Harhour (Easterbierrum)
Pupillen famkes	Melissa Hiemstra (Stiens)
Welpen jonges	Marco de Groot (Frjentsjer)
Welpen famkes	Sjoukje Maeike Braam (Bitgummole)